

جریدہ علیہ

مسنحت جلیلہ اسلامیک جریڈہ رسمہ سید

رمضان ، شوال سنہ ۱۳۴۰

عدد ۷۵،۷۴

شمذیلک آیدہ بر نشر اولنور

برنجی سنہ

توبه و رجوع [۱]

اشته جناب واجب الوجودك بو آیت جلیله و امشالی آیانه شرك و كفر كی ذات
وصفات عالیة الوهیتنه و حقوق مخضه ربانیه سنه واقع تجاوزاتی یالکیزجه یعنی بومفاسدا اعتقادیه
وضلالات دینییه برده مظالم اجتماعی و ضلالات حیاتییه انضمام الیدکجه کندی ذات مقدسه سنه
عائد او معظم حقلمرنده فرط مسامحه کوسترمسی جهتیله موجب محو و خراب قیلمامسی
فقط بشرک و عالم انسانیتک صلاح و انتظامنه ضربه و تقیصه اولان حقوق عمومیه و مصالح
حلییه ده کی نقصان و فساد ی هر وجهله باعث انحلال و اضمحلال اوله جغنی بیان بیورمسی
بشریت مؤمنه اوزرنده تأثیر مهم و درین ابتداء و تیقظ براقغه پک سزادر . مؤمن بونی
بیلوب اعتقاد اتملی و اولوصورتله بنای بشر و عائله انسانیتک دوام انتظامی وقت موعودینه
قدر مراد الهی اولان او مکرم حیاتک سبب انصرامی و بادی انقطاعی اوله حق حالات
الیه و حرکات فحیه ایقاعنه جرأت و تشبیده قطعا بولنمایدرد . بویه مخرب و مضر انسانیت
تجاوزلرک و حقوق ملتک محو و هبا اولسنه مصروف مساعتک روح بشری قطع و افنا
ایده جکی جهتیله هم عمومیه قارشى جنایت هم ده بو خبر الهییه قارشى عصیان اوله جغنی
شبه سزادر . ذاتاً مؤمن بالعموم و ظائف دینییه سنده بویه دکلیدرکی قلبک قبول قطعی ،
بوترددسز قبله نجاتی اعتقاد الیدبکی تعهداتنده و بونلردن بالخاصه اعضا و جوارخنه عائد
وظیفه لرنده حسب التکامل بطاقت کوسترمسی بواعضایه توجه ایدن قبول و تسلیمک بولنمامسیدر
عصیاندر . بونظر و اعتبار طولایدسیله مؤمن و ظائف ذاتیه و تکالیف شخصیه سنک هم بو
نقسملرنده هم ده اجتماعیات و عمومی حیاتنه عائد قسملرنده عصیانیه هم بشریتنه هم ده حکیم ذوالجلال
اولان خالقنه و اعظم الشانک اسرار خلقت ولدنیات الوهیتنه خیانت ایتش اولور . کوریورزکه
عائله بشردن برینک بغیر حق دمینک هدر ایدلمسی جمیع ادیانده جنایت و موجب قصاص
اولور . او حالد بردن بیکه بلکه میلیونلره بالغ یکون یابان بربویه جنایتک نه درجه حائر
اهمیت اوله جغنی تصور ایدلسون . نور ایمان قابنی ضیادار ایدن مؤمن بومهم تصوری حقیقه
اجرا و تطبیقاتی خصوصنده و فعلیات و اجرا آتنده ده او نسبتنده بولنمی التزام ایتلیدر .
« فاستقم کما امرت » امر جلیل الهیسی شرف نزول الهیسی اوزرینه جناب سید البشرک
صلی الله علیه وسلم (شیطینی سورة هود) بیورمسی بالجمله و ظائفه استقامت دائره سنده ایفا

و مسارعته کی اشکال و صعوبتک در جهشی تصویر بیور بیور لر. ایسته کرک جناب سید البشرک
 کرک تبعه منوره سی بولتان شرک و کفر کی سقامت عقیده دن تخاص ایلین اهل ایمانک بو
 حمله تکالیفه و اعباء تسهلاته کوستر دکاری استصعاب آنجق بوتجلی ایمان و قوت ایقان
 اناریدر . بو استقامت هوایه و میولات نفسانییه التفات کوستر مبرک یالکیز امر الهی
 و تذکیر شریعته اتباع و بو اوامر و نواهییه قارشی شائبه طغیان حس ایتدیر مرمه مک و دائماً
 توبه و رجوع ایدرک انار التجا و نیاز اظهار ایلکدر . تلقین اهمیتی صدندده مشکل
 کوستر این استقامت معتدل و متعین اولان منهج شرعه افراط و تفریطدن حذر اووزینه
 حرکت اوله جقدر کی تکالیف دینییه نک عقاید ، اعمال ، اخلاق ، قسملرینک جمله سنده بو معتدل
 جریان مطلوبدر . احکام اصلییه اعتقادییه کی استقامت جناب متعال حضر تلویحی موجودات
 سائریه تشبیه و یا خود او جمیع کالاتی جامع اولان واجب الوجودی صفات لایقه سندن
 تجرید و تعطیل کی الوهیتله و سلطنت ربوبیتله قابل تألیف اولمیان سقیم عقیده لر دن اجتنابدر .
 ائمه اعلام اهل سنتک یک چوق هممات عالییه و مساعی مشکوره صریفله عالم اسلامی تنویر
 و نشر و تعمیم ایلدکری مسائل عقائدی حاوی کتب و دستایر بو عقائدی ادله کافیه سیله رد
 و صحیحه سی تثبیت ایلش در و بتون بولردن خارج زمین اعتقاد احضار یله تشکل ایتش و ایدر جک
 فرقه لری بو استقامته دعوت و بو دائره ناجیه رجوع لرینی طلب مقامنده حقایق سالمه
 فطریق مستقیم کوستر مکه چالشمش لردر . بو حقایق و بو شریعی نشر ایدن لر دن ابو
 منصور الماتردی و ابوالحسن الاشعری کی اعلام اسلام انار نافع و فیوضات جاریه لر یله
 بو کونه قدر تأمین موفقیت ایلکده در . بو ارباب جد و غیرت و اصحاب فضل و مزیت
 حقنده کنز المعارف امام بوصیری قصیده همزیه سنده بو مدیحه غراسنی سولیشدر .

(لم تخف بعدك الضلال و قیناء و ارثانور هدیك العلماء) یعنی ای هادی بشر سنک عصر
 سعادتند نصکرده بزه ضلال و شقاوت اندیشه سی یوقدر . چونکه ایچمزده دینی و حق
 مدافعه و سلامت مسلیکی تعیین و اراده ایدر جک فیوضات نبویه و وارث افاضل علما بولنور .
 هر عصر و قرنیه بو اوصافی حائر علماء دین آزا و لسه لرده ایفاء وظیفه مجاهد سنده بولنش
 و بولنقددر .

احکام فرعییه کی استقامت ، ائمه مجتهدین حضر اتنک ادله صحیحیه سندن استنباط ایلله تأسیس
 ایلدکری اصول احکام و مدونات مثبتیه ایلله تعیین اولمشدر کی بومقررات دائره سنده منتهیات و مباهات
 بیلینه رک اوکا کوره تطبیق اعمال و یوا حکام مثبتیه مراجعتله اصلاح حال و حرکت مطلوبه در .

اخلاق قدمه کی استقامت، ینه اخلاقه متعلق آیات و احادیثی تلقین و تبلیغ ایلدکری، حد و دین چیمه اقی شریطه تعقیب و علماء اخلاق و حکما اسلامک بو بایده بسط و تمهید ایلدکری. قواعد تربیه و اصول اجتماعی نظر و اعتباردن آرماق ایله حصوله کایر. مثلاً و دیمه الله اولان قوه مدرکه کی صوابی خطادن تفریق ایده چک و تنور حقائقه مدار اوله حق مرتبه ده، نظریات اوزرنده آخاله و اولوجهه بوقوتک اعتدال و توسطی محافظه یه اعتنا ایلمی و خصلت مرغوبه بولسان هدف حکمتی نه ایلمی آشیره رق جرزه و مکر و خداع افراط ذمیمه سینه واردیرمق ندده کرایده بیراقوب بلاد و بلاهت درکه سینه دوشورمایدیر. ایشته بو اوچ قسمنده کی استقامت و بو اوچ فصلده کی توبه و رجوع دکلدرکه اوتوانا خلقت افندی می درجه قصوای تقدیر و مرتبه انتهای تعظیمی نسبتنده پیرانه بر حاله وضع ایلدیکی لسان های بولنریله اعتراف بیوریلدور. عجباً نفسنه بصیر و کسبنه رهین و بوجهتی بیوک اهمیتله دوشونمی اقبضایدن همده ناصل بتون اوقات حیاتی و ساعات اعماری پک مهم اولان بو صفحات الهی سینه صرف ایله دوشونمی ایجاب ایدن انسان ذنوب کندندن تصور اولمایدان مشوع مقضی بو اعترافده بولندی فی حالده بو فصولک استقامت و توبه و رجوعنه دائر نه تأثر و نه الم تفکر دویارق قوجابور و قوچان اولیور. کرچه انسان «لقد خلقنا الانسان فی کبد» نظم جلیلله بیلدیرلدیکی کبی مکابد و مزاحم و انواع محن ایچنده متوالی پک متوالی بر حالده یارادلمش. و رحمانی و شیطانی جاذبه لاله معروض و متروک اوله رق معرکه جهانیه آتلمش اولمغله برابر انسان صاحب الاذعان بو حال پر مالال ایچنده یالکر اوله رق عون و عنایت سرده بیراقلمامش. بلکه «سبقت رحمی علی غضبی» تبشیر ازلنسندن وسائط قهر و جلالک ایادی رحم و جماله زبون و مغلوب بولندی غنی استبشار ایله بو باطفتکار، عامله و لطفکار معاونت کنه کار انسانه مدار استناد و سبب الشراح اوله بیلیر بو اساس تلطف و ابدال مرحمت انسانک تسلیمکار وضعیت آله میوده و قوعه کتیردیکی ذنوب و معاصیه قارشی بر معظم ملجأ و پناه اولیور و التجاساکه انام خالق رحمتدن کوردیکی روی التفاته توجه و قبله رحمانیتک سلطنت عفونیه اقبال ایله سائقه بشریتله دوجار اولدینی خطیات و سیئندن تائب و نیاز و تضرع و ندامت طریق التزام ایلدیکی کبی «وهوالذی یقبل التوبه عن عباده» وعد الهی سینه مظهریتله بکام اولیور.

دییمکه توبه و رجوع انسانه طریق نجات و فیض رحمت اولدقنی بو صورتلده جمله الطاف الهیه دن بولندی فی توضیح ایدیور. انسانک کسب علو و قطع مراتب کمال ایلمی موانع اعتلا

و اتصال و مواقع سقوط و انفكك اولان ذنوب و سيئاتدن توبه و هجرتي و رجوع و عودتي صورتيله قولايلاشديرلمش اولييور. اشته تجليات مراحم آيات الهيه مظهريت انسان مذنبه سرمايه عن و قبول و بتون سيئاتك تنزلات و سقطاتي بوسرمایه دن بالاستفاده تداركه سلوك ايلديكي كبي خلاصتي تأمينه موفق اولمش اولييور. توبه و رجوع عزرا و ظلمات و عقبات ايچنده قالدجه بونجه مساعداته رغماً او انسانك بو غناد و كفراني انساني « قتل الانسان ما اكفره » بدعاسنه مستحق قيليور. ناسل مستحق اولماسنيكه « ايحسب الانسان ان يترك سدى » لوحه اعجازنده كورلديكي اوزره كائنات ايچنده استثنائي و امتيازلي ظاهري و باطني هر دلرو جهاز عرفان و وسائط اذعان ايله مزین و عالم همجنسي سندن آيري ماهيته يمه سنده ، ايچمه سنده ، مشي و حر كتنده و عائله و جمعيتيله معاشرتنده و الحاصل جمله خصوصياتنده اصول مأنوسه و قوانين انسانيه سيله ممتاز اولان انسان بو قدر خصائصه و رغائيه قارشي كنديني سدى ، بر فائده و بر غايه يي طلب و تعقيب ايله مقيد اوليه رق صالمة دوه حالنده ببرا قلمش ظن اليمين. انسانك بو ظن و تخمينده مستبعد و منكر اولديغني كرك بو آيت جليله كرك بو مال و مضمون انتباه آوري افاده ايدن آيات جليله ايله او نسان عاقلك حضور تعقل و شهود ايماننه كال و وضوحيله وضع ايديليورده او ابا و امتناعنده دوام و اصراردن هيچ چكينييور. فقط انسان عاقل دلائل قدرت و وجوه عظمتي نظر و بصيرت و فكر و اعتباره آلوب نتايج عاليه اولان اقرار الوهيت و وحدتي استثمار و او غايه كال و حقيقت الحقايق اكتساب ايدلييور .

بوعلوي، انساني غايه يي تعقيب و بوفيض اكمل ذمت بشره تقبيده چالشق خصوصنده بولان انسان صفحات مساعيسنده كي هوئي، نفسياني حائلري ازاله خصوصنده مجادله و مجاهده يه تصادف ايدنه چكي طيعيدر بوده ينه توبه و رجوع در. بيلملي كه خلقت انسانده غايه و خيلي تقلبات و ادوار حياتيه سي اوزرنده و صولنه بتون اختصاصات عقليه و امتيازات ادراكيه سيله سعي و ترقيسنه چاليشه جنفي عبادت خالق و توحيد باري اولوب بو غايه و بوفيض و كاله مصروف و منحصر بولنق اوزره استعداد كال و وسائط تعالي و آلات معارف او انسانه بخش اولمشدر. غايه بودر لكن بو غايه كالي ارباب استعدادك بعضيلري موفقيته تأمين ايدر بعضيلريده ايدنه من .

« وما خلقت الجن والانس الا ليعبدون » نظم جليليله شويله آلاشلييور كه رب الاربابه عبادتي تأمين ايلين معارف و كتب منزله الهيه سيله توثيق و تبليغ بيورديغي بالجملة احكام اساسيه يه ربط و اعتقاد منه ي اوليان فيوضات علميه نردازليده حائر حظ و نصيب دكلدر. اما بر كرده استعداد و ادراكيه مخلوق و متوجه بولنديغني غايه عظمای عبودتي كندينه ايدنيوب قصر

عالیٰ قربہ داخل اولان عابد متنسک وظائف عبودیتده تکمل ایلدکجه انوار عباداتک او واسع ومنتشر ساحه و مناظرنده او انسان متمسکه تجلی وانکشاف ایلین اسرار علوم وخفایای قنون بو قصر معلايه وبودائرہ تجلیاته شرفیاب دخول اولدن اولسکه علوم ايله قابل قیاس اولمدينی کبی اولسکه وسائط عرفانک بومراتبه عائد فیوض وانکشافاتده تأثیر وکفایتی دخی کوروله میور. بو آثار تجلیات، عبودیتده کی ترقی واوزقیاتک انکشافات مخصوصه سیدر. اشته علوم شریعتک بخش ایلدیکی علوم حقیقت وعلوم مکاشفه کی سائر علوم رسمیه کبی قواعد مخصوصه تابع اولمغه برابر حواس وانفاس بشریه نک تربیه شرعیه وطهارت وتصفیة سیله حاصل وعلم تصوف نامی آلتنده برعلم وطبقهٔ عالیه وزمرهٔ صافیة اهل ایمان بو قیمتدار علمه آنجق مساعیٰ مشکوره لر ليله انتساب ایلایه بیلیرلر. بورجال احتیاطکاران کسب حلال صورتیله نام بر الیسه ایدینه مدکری جهتله صوف پارچه لرینی برلشدیره رک الیسه یاپوب کیمه لری کندیلرینه صوفیه نامی ویردیرمشدر. بو طائفه نک تسمیه لری خصوصنده متعدد وجهلر سویلنمش ایسه ده ابن الحاج مدخل کتابنده بوایاتی اوقویه رق وجه تسمیه یی او ایباتک مضمونی اوزرینه موافق کوریه ور.

لیس التصوف لبس الصوف ترقعه ٪ ولا بکا نک ان غنی المغنونا

ولا صیاح ولا رقص ولا طرب ٪ ولا اختباط کأن قد صرت مجنونا

بل التصوف ان تصفو بلا کدر ٪ وتبمع الحق والقرآن والدينا

وان ترى خاشع الله ٪ کتبنا ٪ علی ذنوبک طول الدهر محزوننا

یامه لی لباس کینمک، ترنم وتغنی اولندکجه بکا وفغان وصیحه ورقص وطرب وجن چارپمش کبی دوشوب یووارلانمق حاللری تصوف دکدر آنجق تصوف غش وکدورتدن صافی وآزاده وحق وحقیقت وقرآن ودینه احکامنه تابع اولق واوزون مدت کنه لیرینه حزن والم ندامت ايله ذوالجلالک استیلای خشیتی آلتنده کورونمک خصلت وفضیلتلیردر.

مصطفی رفیق

